

Buna sira! Gilindu ûv salûta,  
e con lû anche tût ra famîja:  
i pastûr ch'j son chî pr'el Mesîa,  
tont emè 'nlûra, quònd ch'l'era nasì.

Us capîs: l'è pasà døj mil'ani  
e 'l progrèsso us pò nenta fermèli:  
dapertût dês l'è pen 'd robi bèli,  
ma 'd cul robi che mè 'n n'ho mai vist.

Tonç afàri j son pû emè 'na vota  
quond che j'omi is cunzìvu dal bràji:  
dês el robi j son tòntu cambiàji  
che 'sti afè j son medèsim per tûcc.

Dês j mòngiu j fidlèn col brodino  
døj chûgià: poi la gent l'è sa stràca,  
noi mangiàvu 'na còua 'd saràca  
o, s'a j'era, pulènta e marlûs.

Jna vota 'l cansòn j'eru bèli:  
serenàti, la sira dopo sen-na,  
e j cantàvu con cula vus fen-na  
ch'u smijàva ch'la fijsa d'avlûd.

Dês j crèju ch'u smèja ch'ij màsu,  
j'hon del vus tont emè il ròvi risnènti,  
con del ciòmi 'ngavgnàji e lisènti,  
e is vistisu ch'j smèju pajàs:

Che s'j amnìjsu a uardè 'nt ra mè stala  
col mè asu ch'el crèja 'ns ra pàja  
l'è la vota ch'ij dòn la midàja  
e il trasmètu con l'Eurovisiòn.

Dês a sùma 'nt in mond, cari siuri,  
pen 'd pastîs, ribeliòn, atentàti;  
o d'avsen o luntòn, tûç i Stati  
j son semper ant l'aria fra lur.

An Oriente, o Vietnàm o Cambògia,  
di e nocc j son semp pront a mòrdi,  
us capis: j von nènta d'acòrdi,  
o ch'j rûsiu o ch'j spàru i canòn.

E pensè che j son pòpul pacìfich  
e la culpa l'è nent tût la sòua,  
l'è 'd cùì Stati ch'ji rèsu la còua  
e ch'j aurìjsu cmandè da per tût.

J'ùma yist ch'lp' scapà u Scià di Persia,  
l'ha duvì piantè lè la baràca  
perchè dis ch'el bativa la fiàca  
senza fè j'interès d'ra so gent.

J'hon còntà cula gent: ùj n'è tropa,  
csè da quòndi ch'u j'è Komeini,  
sènza gnònca spiciè ch'a la s-ciòpa  
u na màsa cuedèn tûcc i di.

U nost Papa l'è in òmi ch'el bùgia  
con u jet: quòncia viàgi là 'n sùma!  
L'è pasà ans el mar con la s-ciùma,  
l'è pasà 'ns el muntàgni pr'andè.

Perchè 'l vò visitè tûcc i popul  
e purtèji l'amur del Mesìa,  
perchè 'l mond a l'è tût 'na famìja,  
'na famìja ch'la serca la pas.

Sùma 'ndàcc a vutè, cari siuri,  
per l'Italia e poi dop per l'Europa,  
che impurtònsa: per me l'è fin tropa,  
abituà cmè ch'a son coj strachèn.

Quond che pò gli elesiòn j s'avsen-nu,  
tonta gent j s'arùtu cmè 'l bìssi,  
tûcc i cùru a parlè 'nt i cumìssi,  
e Pannella u sta sènza mangè.

Tûcc j pàrlu e j ciaciàru pen d'boria  
pò u j'è 'l vut, e pasà gnònca 'n di,  
j sa sgàgiu e j crèju "vitòria",  
tûcc i dîsu: a j'ùma vensi!

L'è 'nafàri che me a capìs nenta:  
j'hon del màchini: "tràc!", sènsa buru  
túcc j vènsu, j guadàgnu, j migliùru:  
và savèj cmè ch'j fon a fè i cònt!

J'hon vutà an Europa e an Italia:  
j'uma avì gli elesiòn csi chi 'n drènt  
senza culp ad canòn o 'd mitràglia  
j'hon vutà, s'j brav Frà, 'nt el cunvent.

U j'è nov sùperiùr, chi, d'anlùra  
e 'sta sira l'è giúst ch'aj salùtu  
coi Frà vegg e i Frà nov: j ston citu  
ma j son gent ch'j fon propi tont ben.

Ma adès a l'è mèj ch'a la piònta,  
tont la mùsica chì l'è finìja,  
suma chì: me e tût ra famìja  
e cmensùma Gilindu per voi.

